

IKINYARWANDA PLE 2019 EXTRACT

INOMERO YUZUYE Y'UMUNYESHURI				
Intara/Umujiyi	Akarere	Umurenge	Ishuri	Umunyeshuri
<input type="text"/>	<input type="text"/>	<input type="text"/>	<input type="text"/>	<input type="text"/>
Amazina y'umunyeshuri				
Izinyawebwite: _____				
Andimazinayawe: _____				
INOMERO Y'UMUNYESHURIN'AMAZINAYEBIGOMBAKUGARAGARANK'UKOBIGARAGARAKURI				
"REGISTRATIONFORM"				

INSHUTI IRUTA INSHURO

Mu mateka yose y' abantu, ikinyejana cya makumyabiri cyabaye kimwe mubwitaye cyane ku mutungo wa buri muntu ku giti ke. Gukunda ibintu ndetse akenshi bisimbura gukunda umuntu. Dore nk' ubu mu rwego rwa gisirikare , barashakashaka intwari yakwica abantu itononye umutungo wabo cyangwa ibikoresho bindi, ushyizemona iby' intambara.

Nyamara ariko abigunze kimwe n' abashakira kwikoza bagenzi babo ubona bahora bijimye . Naho kugira inshuti nyayo byo ntacyo umuntu yabigurana : ni ubutunzi bukomeye cyane . Ese hari uwahakana ko gukorana umurimo n' agacuti kawe binezeza ? Cyangwa se kugira ibyago , agahinda cyangwa se amakuba , ukabura inshuti ihagoboka ,byo si akandi kaga katavugwa?

Nta warondora akamaro inshuti ishobora kutugirira . Iyo turi mu byago iradutabara . Iyo tugiyeye kugwa mu kaga iratuburira , ikamera nk' iduciriye akanzu . Iyo twapfushije iraduhambira, ikadufata mu mugongo, ikanatuyagira. N'ubwo muri iki gihe usanga abantu benshi bifuzaga kwigizayo abandi aho kubisunga , inshuti nyazo ziracyariho , ariko zisigaye zibarizwa ku mitwe y' intoki.

Ubwo se ni iki kibaza abantu kuba inshuti? Biterwa na byinshi: icyakora twavugaga ahanini ko ari ugukunda bikabije ibintu , ukwikunda ubwawe, ukugirana amaharin' umwete muke wo gushaka inshuti. Kugira ngo tugire inshuti rero tugomba kwiyambura izo ngeso , maze mbere na mbere tukabera bagenzi bacu inshuti koko.

Ubucuti bushingiye ku bintu , ku mafaranga , ku tugambo twiza ni amahuriranzira .
Inshuti nyayo ntireshywa n' ibintu,ahubwo ishimishwa n' umuntu n' imico ye. Usangamo kubana n' abandi, kububaha, kubitaho bivuye ku mutima no guharanira icyatuma umutekano wabo usugira.

Mbere yo guhitamo inshuti dukwiye kumenya uko iteye kugira ngo tutazicuza kuba twariyujije n' umunyangesombi akazazitwanduza , akadutaba mu nama akadutera amagorwa . Niba inshuti yacu ari umuntu ushyira mu gaciro , uvugisha ukuri, uducyaha twakoze ikosa, uwo ni inshuti y' amagara , irushije agaciro zahabu na diyama. Dore ko ngo ari yo mabuye y' agaciro gahanitse . Nguko rero uko Umunyarwanda yabivuze : << Inshuti iruta inshuro .>>

IGICE CYA MBERE:KUMVA NO GUSESENGURA UMWANDIKO (Amanota 26)

1. Ubu turi mu kinyejana cya kangahe?

2. Ugendeye kumwandiko ni ubuhe bushakashatsi bwagerajwe gukorwa mu rwego rwa gisirikare?

3. Erekana akamaro gatandukanye k' inshuti kavugwa muri uyu mwandiko (byibuze ingero eshatu)

4. Erekana ibintu bitatu bikunze kubaza abantu kuba inshuti ?

5. Usanga ari iyihe mpamvu hashakishwa intwari yakwica abantu ariko itangije imitungo yabo ?

6. Ugendeye ku mwandiko ubona ari iki twakora kugira ngo tugire inshuti nyazo?

7. Ni iki dukwiye gukora mbere yo guhitamo inshuti nziza?

8. Garagaza ibintu bitatu wagenderaho uhitamo inshuti nziza?

9. Simbuza amagambo ariyeho akarongo andi bisobanura kimwe dusanga mu mwandiko

a) Tugeze iwabo twasanze batishimye kubera ibibazo bamaranye iminsi.

b) Imvura yaguye ari nyinshi ku bw' amahirwe yahise itangije imyaka y' abaturage.

c) Burya koko babivuze ukuri ko inshuti nyakuri igaragarira mu byago.

d) Biragoye kugira ngo ibyo umuntu atunze abe yabisimbuza ibindi mu gihe gito.

e) Mu buzima busanzwe inyangamugayo ntikururwa n' ibibonetse byose.

10. Vuga niba ari byo cyangwa Atari byo ukurikije umwandiko (ni byo, si byo)

a) Abigunze n' abadashaka kwikoza abandi usanga bahora bishimye.

b) Iyo tugiyeye kugwa mu kaga inshuti iratuburira

c) Kugira ibyago hakabura uhagoboka nta kibazo kirimo.

d) Muri iki gihe usanga abantu benshi bifuzaga kwisungira bagenzi babo.

IGICE CYA KABIRI: IKIBONEZAMVUGO (AMANOTA 23)

II. Andika ubwoko bw' amagambo akyeho umurongo:

a) Iwabo wa ba Gatera bejeje ibishyamba

b) Ahageze ati: " Yooo!!! Byarangiyeye kare!"

c) Mu kanya twumva ngo : " Tiku! "turebye dusanga agaramye

12. Amagambo akyeho umurongo ari mu zihe nteko?

a) Ikinyejana cya makumyabiri cyaranzwe n' intambara nyinshi.

b) Uguhiga ubutwari muratabarana.

c) Inshuti nyayo ishimishwa n' umuntu n' imico ye.

13. Tanga urugero rw' interuro ngufi kuri buri bwoko:

a) Interuro ibaza: _____

b) Interuro itangara: _____

c) Interuro ihamya: _____

d) Interuro itegeka : _____

14. Shyira icyi nteruro mu bindi bihe bikuru by' inshinga :

Aba banyeshuri baraganira n' inshuti zabo.

15. Shyira icyi nteruro mu ngiro zikurikira :

a) Inzu irubakwa n' abafundi . Shyira mu ngiro nkora

b) Abanyeshuri barakora ikizamini . Shyira mu ngiro ntanga

c) Umwarimu arigisha ikinyarwanda. Shyira mu ngiro ngaruka.

16. Tanga imbusane z' amagambo ariyeho umurongo dusanga mu mwandiko

a) Gukunda ibintu cyane akenshi bishobora guteza ibibazo.

b) Inshuti nyayo iradutabara iyo turi mu kaga.

c) Ntawarondora akamaro inshuti ishobora kutugirira.

IGICE CYA GATATU: UBUMENYI RUSANGE BW' URURIMI (Amanota 36)

17. Andika ibintu bitatu (3) biranga umugani muremure.

18. Ica ibisakuzo bikurikira : Sakwe sakwe !

a) Twavamo umwe ntitwarya ! _____

b) Ngeze mu rutoki abasirikare baramfata ! _____

c) Abana b' umwami bicaye ku ntebe imwe ! _____

d) Ni iki cyatanze umuzungu kwambara karuvati ! _____

e) Umwana wange yirirwa agenda akararar agenda ! _____

19. Uzuzura imigani y' imigenurano ikurikira :

a) _____ Ni impongo

b) Agahwa kari _____

c) _____ karushya ihamagara.

d) Umwanzi agucira akobo _____

e) _____ ntibwira umugenzi.

20. Uzuzura ukoresheje amagambo asobanura kimwe n' ayatanzwe.

a) Igikeri ntikivuga ahubwo _____

b) Umugore w' umwami bamwita _____

c) Amashyi menshi bayita _____

d) Intaho y' impyisi bayita _____

e) Ntibavuga ihene nyinshi bavuga _____

21. Tanga urugero rw' amagambo atatu y'imvugwakimwe

22. Muri aka kandiko gakurikira , izina "Kagabo "risimbura " abana" ukandukure usanisha mu buryo bukwiye:

Kagabo yavuye imihira agiye kuvoma . Mu nzira ahura n' umusaza aramubaza ati"

Wa mwana we ugiye he ?" Aramusubiza ati : " Nguye kuzanira umubyeyi wange amazi yo guteka.

23. Uzurisha buri nteruro ijamba uhisemo muri aya:

Kamena, Nzeli, Iki, Umuhindo, Impeshyi.

- a) _____ ubusanzwe utangira muri _____
ukarangira mu kuboza
- b) _____ bita nanone _____ irangwa n' izuba
ryinshi igatangira muri _____

24. Kosora izi nteruro aho zanditse nabi:

a) Aramubwira ati : "nuyya i buryo nzajya i bumoso

b) Ni uko baragenda bageze imbere bahura ni impyisi

IGICE CYA KANE : IHANGAMWANDIKO(AMANOTA 15)

25. Ikitonderwa : kirazira kugaragaza umwirondoro wawe uwo ari wo wose kuri iki kibazo k' ihangamwandiko.

Andika itangazo rirangisha ibyangombwa byawe byabuze , ugaragaza ibyo ari byo, uko byabuze . Wandike mu mazina ya GWIZA Mahoro utuye mu Karere ka Musave , Umurenge wa Hondi.

TUBUFURIRE GUTSINDA